

近代中國史料叢刊續編第八十八輯  
沈雲龍主編

皇朝政典類纂  
席裕福輯  
沈師徐輯

戶役

文藻出版社  
有限公司  
印行

皇朝政典類纂

皇朝政典類纂卷三十

戶役一

戶口丁中編審丁冊 攤徵丁銀 編查保甲

正天下之戶籍凡各省諸色人戶有司察其數而歲報於部曰煙戶凡戶之別有民戶有軍戶有匠戶有鹽戶有漁戶有回戶有番戶有羌戶有苗戶有徭戶有黎戶有夷戶凡民男曰丁女曰口未成丁亦曰口丁口繫於戶凡腹民計以丁口邊民計以戶凡丁輸賦者以康熙五十年爲額歲編審有羨餘曰 盛世滋生人丁不加賦焉會典

直省民數令督撫統飭所屬各州縣查其實在民數於每歲十月內同數一併造冊咨部彙題若造報不實予以議處凡州縣造報每歲民數令各按現行保甲門牌底冊核計彙總無庸挨戶細查花名若籍端滋擾或科派者叅究若奏報逾限者卽行查參至從前五年一次編審增益人丁造冊奏報之處永行停止戶部則例直隸江南河南等省堤外居民令地方官查明乾隆五十五年以前實在村莊戶口房間數目造冊備查毋許私自增添其有遷去人口卽於冊內刪除各督撫於年終彙奏一次戶部則例

順治元年王師入關百戶危列宿上言天津到海避亂之民萬有一千餘戶宜令有司撫綏安插兵部侍郎金之俊亦請諭各鎮道臣招徠土寇歸順者悉令州縣編置牌甲於是制編置戶口保甲之法通典 通考

三年詔天下編審人丁凡軍民驛廠醫卜工樂諸色人戶並以原報冊籍爲定惟年老殘疾逃亡故絕者悉行豁免若一戶全不附籍及將他人隱蔽或隱瞞自己成丁人口並增減年狀妄作老幼廢疾者分別罪之通典

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



通考 會典事例

四年恩准編審人丁凡年老殘疾並逃亡絕戶悉行豁免會典事例

五年定三年編審一次令州縣官照舊例造冊以百有十戶為里推丁多者十八為長餘百戶為十甲城中坊近城曰廂在鄉曰里各有長凡造冊人戶各登其丁口之數授之甲長甲長授之坊廂里長坊廂里長上州縣州縣合而上之府府別造總冊上之布政司民年六十以上開除十六以上增注凡籍有軍民匠隱各上中下三等丁有民站土軍衛屯總其丁之數而登黃冊督撫據布政司所上各屬之冊達之戶部戶部受省之冊彙疏以聞以屬知天下生民之數通典 通考

十年定外省流民附籍年久者與土著之民一例當差新來者五年當差通典 通考

十一年申隱匿捏報之律通典 通考

十三年釐准江南通計州縣田地總額與里甲之數均分辦糧當差豪戶不得多占隱役苦累小民其推收編審悉照均田均役聽民自相配搭○又覆准屯丁納銀准免民田重科會典事例

又更定五年編審一次通典 通考

十四年定州縣官編審戶口增丁二千名以上者各予紀錄通典 通考

十五年定編審丁冊於次年八月內咨部州縣官借名科派者罪之通典 通考

十七年定以戶口消長定州縣官殿最例通典 通考

十八年總計直省人丁二千一百六萬八千六百口通典 通考

康熙五年以廣西西隆州西林縣改歸內地停其編丁通典 通考

十年定各貧民攜帶妻子入蜀開墾者准其入籍通典 通考

康熙十一年覆准直省編審概令繕疏具題會典事例

十七年定安徽浙江江西湖廣福建廣東衛所屯丁照州縣人丁例一體編徵通典 通考

二十四年總計直省人丁二千三百四十一萬一千四百四十八口通典 通考

二十五年以原定編審限期太寬胥役得以任意作弊乃更定一年歲底造報二十五年各省編審缺額人丁

令該撫陸續招徠於下次查編補足通典 通考

二十六年覆准編審缺額人丁令該撫陸續招徠於下次編審補足會典事例

二十八年以四川松建等衛所地處極邊屯丁無幾建敘二廳所轄山多土瘠舊例銀米並徵人丁載在銀米

之內與雲南等省衛所不同俱免其編審通典 通考

三十三年停陝西西鳳二府編審通典 通考

三十五年覆准雲南兵丁除本身外其兄弟親族等餘丁悉令清出編入丁數輸稅會典事例

三十六年以四川新設會理州原係番夷所轄無籍可稽免其編審又定浙江匠班銀派入地丁徵收例時浙

省匠班戶籍雖存人丁已絕其窩徵七千四百九十餘兩令派入迤省地丁徵收通典 通考

三十九年令湖北山東各省匠班銀兩均照浙江之例通典 通考

四十年覆准四川東川府僻處極邊難與腹裏州縣一例編丁應俾其編審雍正四年改隸雲南省會典事例

五十年總計直省人丁二千四百六十二萬一千三百二十四口通典 通考

五十一年諭朕覽各省督撫奏編審人丁數目並未將加增之數盡行開報今海宇承平已久戶口日繁若按現在人丁加徵錢糧實有不可人丁雖增地畝並未加廣應令直省督撫將見今錢糧冊內有名丁數勿增勿減永爲定額自後所生人丁不必徵收錢糧編審時止將增出實數察明另造冊題報朕凡巡幸地方所至詢問一戶或有五六丁止一人交納錢糧或有九丁十丁亦止一二人交納錢糧詰以餘丁何事咸云蒙皇上宏恩並無差徭共享安樂優游閒居而已此朕之訪問其晰者前雲南貴州廣西四川等省遭叛逆之變地方殘壞田畝拋荒自平定以來人民漸增開墾無遺山谷崎嶇之地已無棄土由此觀之民之生齒日繁朕固欲知人丁之實數不在加徵錢糧也今國帑充裕歲調免輒至千萬而國用所需並無不足故將見徵錢糧冊內有名人丁永爲定數嗣後所生人丁免其加徵但將實數造冊具報豈特有益於民亦一盛事也直省督撫及有司官編審人丁時不將所生實數開明具報者特恐加增錢糧是以隱匿不報豈知朕並不爲加賦止欲知其實數耳尋議定嗣後編審人丁據康熙五十年丁冊定爲常額其新增者謂之 盛世滋生人丁永不加賦

至五十五年 恩詔復申明之通典 通考

五十三年編審甘肅無業貧民俱入丁冊准其免納丁銀通典 通考

五十五年嚴地賣丁留之禁通典 通考

又覆准新增人丁欽奉 皇恩永不加賦令以新增人丁補足舊缺額數除向係照地派丁外其按人派丁者如一戶之內開除一丁新增一丁卽以所增抵補所除儻開除二三丁本戶抵補不足卽以親族之丁多者抵

補又不足卽以同甲同圖之糧多者頂補其餘人丁歸入滋生冊內造報會典事例

五十六年停州縣增丁議敘並嚴私行科派之律通典 通考

六十年總計直省人丁二千七百三十五萬五千四百六十二口內滋生人丁不加賦者四十六萬七千八百五十口通典 通考

雍正六年覆准河東鹽池渠堰歲修大修既有動支之費其鹽丁民夫永裁將丁夫編入民籍與民一例差役會典事例

七年議准廣西寧明東蘭二州以土改流免其編審會典事例

九年覆准停止廣西歸順州編審會典事例

十一年覆准滇省緬寧地方改土歸流停其編入丁冊會典事例

乾隆元年議准滋生戶口每逢五年務須據實造報實力奉行不得視為具文脫戶漏口會典事例

五年議定直省督撫於每歲十一月將各府州縣戶口增減繕寫黃冊具奏仍將奏明數目報部察覈彙奏

又題准造報民數每歲舉行爲時既近而自通都大邑以及窮鄉僻壤戶口殷繁若每年皆照編審造報誠恐紛煩滋擾直省各州縣設立保甲門牌土著流寓一切臚列原有冊籍可稽若除去流寓將土著造報即可得其數目令該督撫於每年仲冬將戶口實數與穀數一併造報以免紛擾至番疆苗界向來不入編審不必造

報會典事例

十一年諭向來江西省編審丁男之外又有婦女蓋緣從前有鹽鈔一項分給小戶計口納鈔既有婦女應徵



之項則不得不稽其存亡增減是以入於編審之內今鹽鈔久經攤入地糧則婦女已無可徵之項何必存此編審虛名徒滋擾累嗣後編審婦女書停止通考

三十七年奏准各省民丁五年編審之例奉 旨永行停止所有向不歸運軍丁應一體停其編審外其各省運漕軍丁按四年編審一次糧道清查造冊送總漕覈題至江南所屬江淮興武二衛黃快丁湖廣所屬岳州荆左沔陽三衛操軍係續經奏明歸運自應與運丁一律編查會典事例

又戶部議四川總督桂林奏川省各府廳州縣土司戶口人丁額數按冊開各數目分別核算實在新舊人丁並流寓戶口均屬相符該督照例歸入地畝項下按額造地丁奏銷冊內題報查核疏入奉 旨允行通考四十年諭直省滋生戶口向惟冊報戶部朕臨御之初卽飭各督撫歲計一省戶口倉數實數於仲冬具摺以冊併繕冊由部臣彙覈以進蓋仿周禮司民掌登民數拜獻於王之意卽藉以驗海寓富庶盈景象法至善也願行之日久有司視爲具文大吏亦忽不加察數尙有倉儲可覈而民數則量爲加增所報之摺及冊竟有不及實數什之二三者其何以體朕周知天下民生本計之心乎我國家累治重熙百三十餘年於茲休養蕃滋盛於往牒且我 皇祖恩旨以生齒日繁人民永不加賦其利甚溥閭閻安享昇平樂利阜寧歲計倍有增益詎可不確覈以登記盛世殷繁之實乎現今直省通查保甲所在戶口人數俱稽考成編無難按籍而計嗣後各督撫飭所屬其實在民數上之督撫督撫彙摺上之於朝朕以時披覽既可悉億兆阜成之概而直省編查保甲之盡心與否卽於此可察爲其敬體而力行之毋忽會典事例

又 諭從前歷辦民數册如應城一縣每歲止報滋生八口應山襄陽止報二十餘口及五六七口歲歲滋生

數目一律雷同各省歲報民數用以驗盛世閭閻繁庶之徵自當按年確數豈有一縣之大每歲僅報滋生數口之理可見地方有司向資視爲具文而歷任督撫亦任其隨意填造不復加察似此率略相沿成何事體前曾降旨令各督撫將實在民數通駁上陳但恐督撫等泥於歲底奏報之期尙不免草率從事仍屬有名無實所有本年各省應進名冊均著展至明年年底繕進俾得從容確覈以期得實嗣後每年奏報民數各督撫務率屬實力奉行勿再如前約略開造儻仍因循疎漏查出定當予以處分若各督撫查辦民數既不實心遇有偏災辦賑復從而遷就迴護致窮黎不能普霽實惠一經訪聞惟該督撫是問會典事例

四十一年議准江南徐州衛有歸併楚軍原係楚省護軍回籍今於江夏武昌嘉魚咸寧蒲圻崇陽通城興國大冶通山漢陽漢川沔陽黃岡麻城京山等十六州縣共清出徐州衛什軍七百七戶俟編審之年徐州衛詳委千總一員赴楚會同編審造冊如各軍所住村落未滿百戶附入民戶編查其民戶雜差仍一體寬免○又議准蘇州等衛軍丁冒填民籍捐納中式各官生查取改籍供結造冊咨部更正嗣後於四年編審冊內姓名之下註明捐納中式字樣不許竄入民籍庶軍丁不致脫漏而軍民兩清會典事例

五十四年議准各省編查軍丁僅止清查軍民產業未實者仍照原例議處儻有故縱殷富軍丁竄入民籍並將田產代爲隱匿脫漏者卽將原查之該管州縣衛所官弁立時參革發往新疆効力贖罪永不敘用失察之總道知府一併革職營謀脫漏之本丁發往黑龍江給兵丁爲奴該丁之弟兄子孫仍編入軍籍會典事例

五十八年諭內閣朕恭閱 聖祖仁皇帝實錄康熙四十九年民數二千三百三十一萬二千二百餘名口因查上年各省奏報民數共三萬七百四十六萬七千二百餘名口較之康熙年間計增十五倍有奇承平日久

版籍益增天下戶口之數視昔多至十餘倍以一人耕種而供十數人之食蓋藏已不能如前充裕且民戶既口益繁多則廬舍所占田土不啻倍蓰生之者寡食之者衆於閭閻生計誠有關係若再因歲事屢豐粒米狼戾民情游惰田畝荒蕪勢必至日食不繼益形拮据朕甚憂之猶幸朕臨御以來關土開疆幅員日廓小民皆得開墾邊外地土以藉營謀口食然爲之計及久遠須野無曠土家有贏糧方可戶慶盈溢收耕九餘三之效各省督撫及有牧民之責者務當隨時勸輸剴切化導俾皆儉樸成風服勤稼穡惜物力而盡地利共享昇平之福毋得相競奢靡習於怠惰用副朕愛養黎元諄諄教戒至意將此通諭知之

聖訓

嘉慶元年諭軍機大臣等甘省地土瘠薄前因小民口食維艱恐借糶緩徵亦未能周普曾降旨以甘省距口外不遠莫若勸令貧民出口覓食如實在無力者或地方官量爲扶助俾得就食豐區亦豫爲籌辦之一法該督自己酌量情形遵照辦理如貧民俱情願出口得以謀食營生固屬甚善儻累於室家妻子安土重遷亦應聽其自便不可令地方官拘於遵旨稍事驅迫轉致失所

聖訓

十五年諭內閣御史甘家斌奏請實行編戶成法等因一摺向例各州縣鄉鎮村莊設立門牌保甲俾其互相識認稽察原所以請奸宄而弭盜賊而每歲編戶審丁彙冊報部間遇水旱偏災發帑賑恤按冊而稽自不至於浮冒立法最爲詳密乃奉行既久竟同具文不但容留匪犯無人舉發致令日久潛匿恣爲不法而偶遇偏災散賑則奸吏盡育浮濶戶口較歲報丁冊往往增多任意弊混殊不成事體嗣後各省督撫於編設戶甲一事務須飭屬實力舉行俾奸匪不得潛藏卽申報晴雨及約收實收分數等事並與編審丁冊認真稽察則戶口多寡年歲豐歉隨時駁對不致浮混亦可杜捏災冒賑之弊

聖訓

馮桂芬稽戶口議小司徒之職乃均土地以稽人民而周知其數意在均其役而已蓋田則稅之身則役之未有稅其身者漢高初爲算賦爲後世地丁銀之始民年十五而算口賦二十而傳給徭役是既稅之且役之矣今地丁并於田賦南省徭役亦并於田賦取諸民也簡不可謂非今勝於古於是煙戶門牌則以意造之遂無從周知戶口之數其弊也民輕去其鄉五方雜處逋逃爲數名捕關提十不獲一是謂有利卽有弊另議復宗法復鄉職以族人而周知本族人數以鄉董而周知本鄉人數事必不難宜由部頒一照式人與一照鄉董造冊州縣鈐印男女一律齊賤一律如滇曰丞相子亦在戍邊之調令蔽奔之若賈單捐照然滋生物故關鄉董出行流寓亦如之老子曰至治之極老死不相往來孟子曰死徙無出鄉在今日已不可行有此一法他鄉可執禁以譏奸宄游民庶幾少衰息乎或疑案牘之煩曰蒙諸議所省案牘不知凡幾所增亦僅耳且古法也無可疑也校邨廬抗議

李建邑侯王公編審碑記 粵自拜登受藏之典肇於周禮而歷代相因著爲彙令編審之設由來尙矣國朝稽古定制詔天下郡邑五年一編審以五年之內田產之興廢不同徭役之多寡實與均勢逸權輕重法至善也朝邑土瘠民貧而額丁幾滿十萬每屆其時盡人懷規避之私念而奸蠹胥吏復從而熒惑之於是弊叢叢生遂至於莫可禁抑賦役既有定額而戶之大者非種直之私投則請謁之公行本宜多坐而反減者有之大戶減則窮戶益增放富養貧古患之矣弊之一也三兩九則原爲貧富不同而設無如操縱於長吏筆端之上下其所欲上一丁而供數丁之役其所欲下數丁而無一丁之費况吏緣爲奸刑由窮請弊之二也按地丁朝邑之定法然當官既以地畝起例而民間復照人數分派稍有夏節

執脫漏之律以繩之俾有地者脫籍而孀無地者剝肉以補苦樂不均疇從而問焉弊之三也縉紳矜程及府史曹掾自難與齊民同數如果負郭有田照例豁免一丁固其宜也乃有無地而隱包他業以需優異此非貽累窮簷之源乎弊之四也至於常住有地寄莊有戶緇流黃冠之徒託言方外而不之任同華澄邨之氓恃在隔屬而不之承嗟我朝民能無代輸丁徭之苦也耶弊之五也有此諸弊而卒莫之釐正者果民爲之耶抑或官爲之也夫朝因素多良宰第識不足者未免蹈常習故而不知正卽知之矣而才不及者又未免憂譏畏議而不敢正致使拜登受藏之典相沿而成頭會箕斂之擾嚙嚙不知其幾何年矣今我邑侯王公則不然編審之期戶吏以舊例嘗侯而侯弗善也細閱賦役各冊早得其原委與弊所由釐定以有地七畝坐以一丁爲則諸無地並有地而少者悉不與焉未審之前榜陳夙弊較如列眉臨審之際絕實緣杜巧警邑門之內無敢干三尺而賄免者是放富差貧之弊無矣照地坐了注以實數且親裁自定毫不假手吏胥縱有狡猾誰敢上下其間是挪移門則之弊無矣徧召花戶溫語細詢使丁多丁少皆自了然而豪惡巨奸無自施其欺罔是私家飛灑之弊亦可以無矣他如懲濫免貽累之弊則清查占役而嚴禁包攬懲代輸徧苦之弊則坐了常住而分徭寄莊此其意何莫非爲我縣之蒼赤計哉

世文續編

右編審丁冊

直隸布政使司所屬人丁每口三分至二兩六錢有差民丁屯丁稅共四十二萬四千四百四十四兩一錢九分八釐過開加徵一萬六千二百八十九兩九錢四分二釐五毫會典事例

奉天府尹所屬人丁每口一錢五分至二錢有差遇閏不加徵會典事例

山東布政使司所屬人丁每口五分三釐九毫至七錢八分零有差民屯丁稅共三十四萬七千四百四十九兩八錢八分有奇遇閏加入地畝內徵解鹽丁稅六千六百三兩六錢三分三釐有奇會典事例

山西布政使司所屬人丁每口一錢四兩五分三釐零有差更名 國初以明代各藩所占之田歸民蠶種曰

買名田因有更名丁後同屯丁每口一錢至三錢零有差共銀五十六萬三千七百十有三兩九錢九分地差

銀七萬八千二百九十三兩二錢各有奇遇閏不加徵會典事例

河南布政使司所屬人丁每口一分至二錢零有差收併衛所每口二分至一兩五錢有差共民丁稅十有一

萬三千一百六十兩五錢七分六釐衛所丁稅六千九百四十八兩七錢六分更名寄莊寄糧丁稅一百五十

四兩四錢四分八釐各有奇遇閏不加徵會典事例

江南江蘇布政使司所屬人丁每口一分四釐至二錢零有差別有科錢五文者共民丁稅二十三萬九千五

百四十六兩九錢六分三釐有奇遇閏加徵一千八百二十七兩二錢六分一釐有奇軍丁稅一萬一千二百

二十四兩五錢九分七釐有奇遇閏不加徵安徽布政使司所屬人丁每口五分至五錢一分九釐零有差鹽

鈔每口銀七釐四毫共民丁稅二十萬七千八百七十六兩八錢七分有奇遇閏不加徵衛所丁稅一萬二千

五百七十二兩三分有奇遇閏不加徵屯丁稅二十六兩六錢九分二釐二毫遇閏加徵二錢二分六釐寄莊

丁稅八兩九錢六分一釐遇閏不加徵匠班丁稅三千八百七十兩三錢有奇遇閏加徵三錢三分七釐五毫

會典事例

皇明政典 卷三十一 戶役一 戶口丁中

江西布政使司所屬人丁每口三分二釐零至一兩三錢四分六釐零有差鹽鈔小口每口二釐六毫至九釐五毫零有差共民丁稅一十八萬三千六百七十五兩有奇過閩加徵一十八百五十五兩有奇屯丁稅一千三百二十六兩過閩加徵二十三兩各有奇會典事例

福建布政使司所屬人丁每口八分三釐九毫零至二錢九分一釐有差鹽鈔小口每口一分四釐七毫至一分八釐一毫有差共民丁稅一十七萬五千有七十五兩四分四釐七毫屯丁稅五千四百二十四兩七錢六分五釐五毫各有奇過閩不加徵會典事例

浙江布政使司所屬人丁每口二釐至五錢七分二釐零有差別科米二合一勺至三升三合有差共民丁稅二十三萬六千九百九十一兩七分有奇過閩不加徵屯丁稅五百二十七兩六錢二分三釐過閩不加徵會典事例

湖廣湖北布政使司所屬人丁每口一錢五分四釐零至六錢四分三釐八毫零有差共民屯丁稅十萬九千九百九十九兩五錢四分有奇過閩不加徵湖南布政使司所屬人丁每口三分零至八錢三分五釐零有差共民屯丁稅七萬七千三十六兩四釐有奇過閩不加徵會典事例

陝西布政使司所屬人丁每口二錢共民屯丁稅二十四萬三百一十三兩一錢五分有奇過閩加徵八千七百二十七兩八錢三分有奇會典事例

甘肅布政使司所屬人丁每口二錢共民屯丁稅六萬一千九百有四兩三錢三分有奇分河東河西河東過閩加徵二千四百三十三兩七錢四分有奇河西過閩不加徵會典事例



四川布政使所屬人丁每口一錢二分至五錢一分零有差共丁稅五萬六千九百九十一兩八錢二分一釐四毫有奇會典事例

廣東布政使司所屬人丁每口一釐九毫零至一兩三錢二分六釐零有差共民丁屯丁黎丁稅一十二萬三兩七錢九分有奇遇閩加徵五千五百一十八兩四錢七分九釐有奇會典事例

廣西布政使司所屬人丁每口一錢五分至四錢五分二釐零有差共民屯丁稅四萬六千三百三兩一錢有奇遇閩加徵三百二十四兩二錢會典事例

雲南布政使司所屬人丁每口三分至五錢五分有差共民站丁土步軍丁魚戶丁稅二萬九千三百三十九兩一錢二分六釐威遠三箇蠻令等村丁銀三十二兩貴州威寧州撥歸宣威州丁銀三十四兩八錢遇閩不加徵會典事例

貴州布政使司所屬人丁每口一錢五分零至四兩零有差共民丁夷丁稅一萬三千七百八十一兩一錢二分有奇遇閩加徵六百六十三兩四錢三分有奇會典事例

凡天下戶口之賦亦曰徭里銀順治十八年統計直省徭里銀三百萬八千九百五兩有奇米二萬一千五百七十石有奇康熙二十四年銀三百一十三萬六千九百三十二兩有奇米一萬二千七百一十五石有奇雍正二年銀三百二十九萬一千二百二十九兩有奇米一萬二千七百九十四石有奇豆二萬六千一百五十石乾隆十八年丁銀三百二十九萬五千三百五十九兩有奇各省丁銀俱勻入地糧內遇閩有加徵者有不

加徵者各循成例 通考



順治十七年令直省每歲底將丁徭賦籍彙報以戶口消長課州縣吏殿最通考

康熙十一年覆准浙江所屬食鹽鈔銀均攤入地丁內徵收會典事例

三十六年覆准浙江匠班銀七千四百九十兩有奇均攤於通省地丁下帶辦會典事例 通考

三十九年覆准湖北匠班銀照浙江之例歸入地丁徵收會典事例 通考

四十一年覆准山東匠班銀歸入地丁徵收會典事例 通考

五十五年議准廣東所屬丁銀就各州縣地畝分攤每地賦銀一兩均攤丁銀一錢六釐四毫有奇會典事例

雍正元年覆准直隸所屬丁銀均攤地糧之內徵收每地賦銀一兩合攤丁銀二錢七釐有奇會典事例

二年覆准福建所屬丁銀就各州縣地畝分攤每地賦銀一兩合攤丁銀五分二釐七毫至三錢一分二釐零

有奇屯地每兩徵丁銀八釐三毫至一錢四分四釐八毫零有奇會典事例

三年覆准山東所屬州縣衛所各項丁銀皆攤入地畝內徵收每地賦銀一兩合攤丁銀一錢一分五釐○又

覆准山東布政使司所屬州縣衛所開墾地畝俟升科後遇五年編審之期合一縣丁銀計新舊地銀按糧攤

減各就一縣之地均算會典事例

四年覆准河南所屬丁銀攤入地畝徵收每地賦銀一兩合攤丁銀一分一釐七毫六絲至二錢七釐二絲零

不等○又覆准浙江各屬丁銀以通省之田畝均攤每田賦銀一兩均攤丁銀二錢四釐五毫有奇○又題准

陝西西安所屬民屯更名地等丁攤入地糧徵收每地賦銀一兩合攤丁銀一錢五分三釐過閭每銀一兩合

攤丁銀一錢五分三釐有奇○又題准甘肅所屬有民屯更名監牧等丁河東地糧輕而丁多河西地糧重而

丁少不能通省一例攤派河東每銀一兩攤丁銀一錢五分九釐三毫有奇過閘每銀一兩加徵銀一錢七分四釐八毫河西每銀一兩攤丁銀一分六毫有奇過閘不加徵○又題准四川所屬丁銀向係以糧載丁徵收經年已久惟威州等十一州縣係丁地分催自五年爲始亦令以糧載丁每糧五升二合至一石九斗六合零不等算人丁一丁徵收會典事例

五年題准江南江蘇所屬丁銀在於各屬田地項下攤徵省衛外衛丁銀在於各屬屯衛田地項下攤徵安徽所屬丁銀在於各屬田地內攤徵各衛所屯丁在於各屬屯衛田地內攤徵均每畝攤徵丁銀一釐一毫至六分二釐九毫零不等又婺源縣寄莊八丁又匠班銀均在田地內按畝攤徵○又覆准江西所屬丁銀攤入地畝屯糧內完納每地賦銀一兩合攤徵丁銀一錢五釐六毫屯地每兩徵丁銀二分九釐一毫有奇會典事例六年題准長蘆利民等八場屯丁銀攤入各場屯地徵收每畝徵銀六釐至一分不等○又覆准奉天府所屬丁銀以入籍民人增除不定仍照舊例丁地分徵不攤入地畝○又題准湖南民丁及更名田丁屯丁各歸各縣攤入田糧銀內徵收每地賦糧一石合攤丁銀一毫四絲至八錢六分一釐零不等○又題准廣西所屬丁銀就各州縣地畝分攤每地賦銀一兩均攤丁銀一錢三分六釐零不等會典事例

七年題准湖北各屬丁銀均勻攤入民賦及更名田地條餉每地賦銀一兩合攤丁銀一錢二分九釐六毫有奇惟江夏等十九州縣內有重丁銀除抵減豁免外攤入地賦銀數多寡不等江夏縣民賦田及更名田每兩派徵丁銀一錢一分九釐七毫嘉魚縣民賦田每兩攤丁銀一錢二分九釐六毫更名田每兩派丁銀六分六釐漢陽縣民賦田每兩攤銀八分五釐六毫更名田每兩派銀五毫漢川縣民賦田每兩攤丁銀四分七釐更

名田每兩派丁銀二分一釐三毫孝感縣民賦田每兩攤丁銀一錢二分九釐八毫更名田每兩派丁銀一錢  
一釐二毫蘄水縣民賦田及更名田每兩攤丁銀八分二釐六毫黃安縣民賦田及更名田每兩攤丁銀一錢  
一分八釐二毫黃梅縣民賦田及更名田每兩攤丁銀一錢二分八釐一毫廣濟縣民賦田及更名田每兩攤  
丁銀一錢二分三釐八毫鍾祥縣民賦田每兩攤丁銀一錢二分九釐六毫更名田及屯田每兩派丁銀六釐  
二毫潛江縣民賦田及更名田每兩攤丁銀一錢二釐七毫沔陽州民賦田及更名田每兩攤丁銀一錢二分  
九釐六毫天門縣民賦田每兩攤丁銀一錢二分九釐六毫更名田每兩攤丁銀九釐九毫荊門州民賦田及  
更名田每兩攤徵丁銀一錢一分八釐八毫江陵縣民賦田每兩攤丁銀一錢二釐三毫更名田每兩攤丁銀  
三毫石首縣民賦田及更名田每兩攤徵丁銀一錢七釐一毫監利縣民賦田及更名田每兩攤徵丁銀七分  
八釐七毫松滋縣民賦田每兩攤丁銀一錢一分三釐九毫更名田每兩攤丁銀三釐二毫棗陽縣民賦田每  
兩攤丁銀九分五釐九毫更名田每兩攤丁銀九分五釐九毫各有奇其餘各屬皆照一錢二分九釐六毫零  
均攤會典事例

十一年議准湖北於雍正七八九年各屬開墾田地新升糧銀九千四百一兩四錢八分零抵減漢陽等八縣  
重丁銀又新升糧銀內應派丁銀一千二百十有八兩九錢有奇先儘鍾祥一縣攤減其江夏等十一州縣並  
漢陽等八縣未經抵足重丁銀八千三百有八兩全行豁免會典事例

乾隆元年奉 諭朕聞甘省以糧載丁從前辦理未善致多偏枯見有民戶丁銀攤入屯戶者九千二百二十  
五兩屯戶輸納惟艱今應酌籌變通之法著將此多攤九千餘兩暫爲豁免除俟下屆編審之時將平慶臨鞏四

府及秦階二州所屬各州縣新編人丁應完丁銀均攤入民地糧內漸次補額即分作二三次編審逐漸補足亦可務令徐徐增補以紓民力俟補足之後即行停止永不加賦通考

二年照准山東永利等十場下剩一半鹽戶丁銀全攤入各場鹽地徵收每畝徵銀一分四釐有奇會典事例  
三年奉 諭雲南鶴慶府驛站丁行悉銀豁免雲南之鶴慶府城及所轄之觀音山前明時分設驛站後因驛站裁革以驛馬分給驛丁將觀音山編爲三十馬頭每馬人丁十七丁每丁歲徵銀五錢四分在城驛站編爲二十馬頭每馬人丁五十六丁每丁歲徵銀二錢五分相沿至今窮丁無力輸將致官役代爲賠補至是除之通考

十年復准山西丁糧分辦貧民偏累尙多丁銀攤入地畝有勢所難行者將太原等十八縣丁銀全數攤入地畝每極一石合攤丁銀一分八釐至二錢二分二釐每地賦銀一兩合攤丁銀一錢四分七釐九毫至三錢三分八釐零不等交城等十五縣丁銀一半攤入地畝靈鄉等二縣丁銀照下則徵收餘銀攤入地畝渾源等二州縣丁銀三分之一攤入地畝河曲縣丁銀十分之一攤入地畝吉州將無業苦丁攤入地畝變通攤徵其餘陽曲等二十四州縣或係貿易民多輸丁爲易農民不願代納或係接山傍水地瘠民貧丁銀難於攤徵或係地臨邊隅田多沙礫不便加徵地糧或係多徵本色丁徭最重額賦不能強同仍照前丁地分辨別有陽曲等八縣屯丁徭銀亦全數攤入屯地徵收會典事例

十一年諭向來江西省每逢編審之年丁男之外又有婦女蓋緣從前有鹽鈔一項分給小戶計口納鈔既有婦女應徵之項則不得不藉其存亡增減是以入於編審之內也今食鹽課鈔久經攤入地糧而該省尙循舊

例辦理朕思從前照例納價編審尙屬有名今鹽鈔既已攤入地糧之內則是婦女已無可徵之項何必存此編審虛名徒滋擾累嗣後編審婦女著停止會典事例

十二年恩准福建臺灣府官莊田園共五十八萬三千三百七十八畝零每畝勻丁銀四釐一毫零至八釐六毫不等共人丁銀三千六百六十五兩四錢勻入田園徵收至各番衆所耕田地概不完賦止歲丁納銀仍照舊完納毋庸攤入田畝會典事例

二十三年覆准山西太谷臨縣石樓五臺崞縣等五縣丁徭全攤入地糧永靈州以現在每丁額徵三錢餘攤入地糧朔州均照中下下二則按現在實丁與寄莊已久之戶按地多地少分納其衛丁按上下中下三則分別貧富均納輸社縣以三分之一攤入地糧沁州每丁概徵一錢餘攤入地糧沁源武鄉二縣以一半攤入地糧靜樂縣以十分之三攤入地糧代州以每丁概納一錢三分三釐餘攤入地糧保德州將下下則丁徭按丁徵輸餘攤入地畝隰州永和二州縣將寄居年久有產之戶按丁輸納下下則徭銀原額重徭均勻減除會典事例

三十一年覆准山西交城縣之現徵民丁一半徭銀及屯丁徭銀文水縣之實徵丁銀及應徵徭稅河津縣之實徵丁銀稷山縣之土著與紳衿吏承優免丁三項及屯丁額徵徭銀俱令攤入地糧及屯租等項內完納隰州丁餘以十分之五歸入地糧大寧縣再減丁銀一千兩攤入地糧蒲縣丁銀均勻攤派改爲下下一則徵收其餘仍令丁糧分辦會典事例

四十二年覆准貴州通省丁銀一萬三千七百九十二兩三錢八分一釐內平越等三十六府廳州縣應徵丁

銀九千三百六十七兩二錢八分二釐歷年隨糧完納應仍其舊晉陽等二十九府廳州縣共應徵丁銀四千四百二十五兩九分九釐按畝攤徵計各屬田地八十一萬二千八百六十九畝零每畝攤丁銀五釐四毫四絲三忽零會典事例

五十六年覆准山西省各州縣丁徭地糧向係分款徵收嗣因無業窮丁催輸非易節經先後查辦或全行歸入地糧或按分攤減辦理其未經歸之陽曲等二十六州縣俱屬照舊分徵今平陽府屬之曲沃縣額徵丁徭及屯丁銀一萬四千一百二十兩零全歸地糧併徵又天鎮縣額徵丁銀一千五百三十五兩零於該縣額徵地糧銀六千七百五十七兩七錢數內全數攤徵尖丁耗銀隨正輸納其應徵本色米石照舊徵收朔州州衛額徵丁銀二千九百九十二兩七錢零及隨丁徵納賓興銀三十兩在於額徵地糧銀九千九百八十二兩三錢數內無分州衛一體攤徵數計科則分攤每地一畝自一釐八釐至四分不等再大同左雲等十四圍操共徵丁銀三百二十六兩零在於大同府屬之分駐鹽鎮同知所管民牧地畝應徵銀三萬三千一百一十兩內酌攤計加攤銀每兩九釐統於乾隆五十六年為始全行改歸輸納會典事例

五十八年議准山西大同縣額徵丁銀三千五百八十八兩一錢三分額徵折色銀一萬五千七百二十兩四錢四分零及隨丁應納賓興銀六十兩全歸地糧併徵每糧銀一兩應攤徵丁銀一錢一分七釐零懷仁縣額丁銀一千二百七十九兩九分歸入地糧銀五千九百一兩三錢三分零數內徵收每糧銀一兩應攤徵丁銀二錢一分六釐零懷仁縣額徵米丁銀二百七十二兩歸入屯田地糧銀一千五百四十二兩一錢七分數內徵收每糧銀一兩應攤徵丁銀二錢七分六釐又前衛額徵丁銀五十二兩三錢歸入屯田地糧銀二百二十

兩四錢五分數內徵收每糧銀一兩應攤徵丁銀二錢二分六釐至該縣衙廳尖丁各有隨徵耗羨今丁銀全數歸入地糧其丁耗銀兩應按每糧銀一兩加攤丁銀之多寡照數隨徵會典事例

嘉慶二十二年戶部議駁吉林將軍富俊奏吉林各屬民戶滋生人丁請照阿勒楚喀拉林之例一律徵丁數與例案不符應毋庸議 上諭曰部駁甚是各直省續生人丁康熙年間奉有永不加賦 恩旨所當永遠遵行其阿勒楚喀拉林二處係專為編查流民而設豈能援以為例將吉林屬屬一律徵丁富俊不知政體著傳旨申飭所有該將軍奏請將吉林寧古塔伯都訥三姓等處滋生人丁起科加賦之處著毋庸議 聖訓

右攤徵丁銀

凡編保甲戶給以門牌書其家長之名與其丁男之數而歲更之十家為牌牌有頭十牌為甲甲有長十甲為保保有正稽其犯令作惡者而報焉城市鄉屯廟廠寺觀店肆棚寮邊徼皆編之會典

一京城內外分別旗民一體編查保甲其王公滿漢文武大臣官員第宅各令自行查察如給使人役內有來歷不明形跡可疑者立即送究

一京城內外編查保甲分別造冊居民鋪戶造立循環簿按年更換客店車行庵觀寺院設立清冊兩月更換一次園觀居樓優伶寓所令立專冊一月更換一次五城御史督率所屬分款實力稽查

一王貝勒貝子公閒散宗室屬下屯居包衣人丁均令州縣編入保甲就近管束其八旗宗室覺羅等在京外附近居住者該州縣官一體編查如有違犯詳明上司官移咨在京該管衙門查辦

一順天府五城所屬村莊暨直省各州縣城市鄉村每戶由該管地方官歲給門牌書家長姓名生業附註



男丁名數不及婦女出註所往入籍所來有不遵照編挂者治罪十戶牌  
牌爲甲立甲長十甲爲保立保長限年更代以均勞逸士民公舉誠實識字及有身家之人報官點充地方  
官不得派辦別差以專責成凡甲內有盜竊邪教賭博賭具窩逃姦拐私鑄私銷私賭賭麵販賣硝磺并私  
立名色斂錢聚會等事及面生可疑形跡詭祕之徒責令專查報戶口遷移登記並責隨時報明於門牌  
內改填換給門牌甲保各長果能稽察詳慎首報得實酌量獎賞倘應查不查應報不報按例分別治罪鄰  
省鄰縣差役執持印票到境拘拏盜逃等犯保甲長密同捕獲免其失察之罪若差役誣執平民許保甲長  
赴本管官剖白候奪倘係玩庇按究律治凡地方官奉行保甲若虛文塞責濫任匪人或更藉端滋擾者題  
參議處

一凡紳衿之家與齊民一體編列聽保甲長稽查違者照脫戶律治罪地方官徇庇照本例議處凡簽充保  
甲長並輪值支更看柵等役紳衿免充齊民內老疾寡婦之子孫未成丁者亦具免派兵丁苦役與民戶同  
編本身免充保甲長

一凡聚族而居丁口衆多者准擇族中有品望者一人立爲族正該族夏莠責令察舉

一旗民雜處村莊一體編次將旗分戶名并所隸領催屯目註明牌冊旗人有犯許民人舉首民人有犯許  
旗人舉首地方官會同理事同知辦理至各省駐防營內居住之商民以及官兵僱用之人役均另編牌冊  
兼由理事同知查核

一屯居漢軍旗人戶婚田土事件俱歸所隸州縣管理一體編查保甲其丁憂起復報考以及查報家口檔



册除先行報旗查辦外仍報明地方官由地方官呈報各旗核對不得稍有遺漏

一凡客民在地方開張貿易或置有產業者與土著一例順編其往來無定商賈責令客長查察凡客商投宿旅店船肆寺廟該店主埠頭住持詢問來歷并將騎馱夥伴數目及去來日期逐一填註送官若無事時疎忽有事時故縱者各治以罪

一各直省州縣編審保甲每年造具各鄉甲長保正及各戶姓名每戶若干口清册呈送臬司稽核如有外來僱工夥計雜項人等亦將姓名籍貫於本戶下註明仍由臬司移行道府抽查年終覆核具奏倘造册疎漏該臬司稟請督撫指名參處

一各省編查保甲如有來歷不明形跡可疑者責令里長甲長等立時首報如無均令出具連名互保甘結倘取保之人曾經作奸犯科一經查出將出結之里長等按律連坐

一寺觀僧道責令僧綱道紀按季册報凡有遊方僧滑形跡可疑及為匪不法者稟官查逐若混留滋事住持治罪僧道官革究其各省回民責令禮拜寺掌教稽查約束有出外為匪者將掌教之人一并治罪

一外來流丐保正督率丐頭稽查少壯者詢明籍貫稟官遞回原籍安插其餘歸入棲流等所管束不許散處滋事

一吉林伊通河屯戶民男女大小名口按戶開列於牌懸之門內每年應增應減責令鄉地牌頭報明同知更換該界巡檢編造丁册屆時稽察該同知隨時抽查如有詭冒情弊將該戶民分別辦理鄉地牌頭一併懲治於年底歸入民數案內報核

一邊外蒙古地方種地民人設立牌頭總甲及十家長等凡係竊匪及來歷不明者責令查報通同徇隱一併治罪有隱匿內地逃人者併責令扎薩克查拿

一沿海等省商漁船隻取具澳甲族鄰保結報官准造完日由官驗明給照將十船編為一甲係商船於照內註明船主姓名年貌籍貫兼註舵工水手仍於出洋時取具各船互結由汛口驗照放行係漁船將船甲字號於大小桅蓬及船旁大書深刻照內止填船主年貌籍貫其舵工水手名數由汛口官隨時查註放行凡地方官濫給匪人執照或照內查填不實者分別參處船主租船出洋為匪者船主澳甲分別治罪船主實有事故別令親屬押駕赴官呈明者填入照內放行未呈明者即以頂冒論內洋采捕小艇亦照例取結編號給照責令澳甲稽查其內河一切船隻均各設牌船尾註明船戶籍貫年貌責令埠頭查察若漁船網戶及水次搭棚趁食之人均歸就近保甲管束

一鹽場井廩另編排甲所僱工人隨鹽戶填註即令約束責成場員督查如容留匪類鹽戶照牌頭例治罪場員參處

一礦廠丁戶責成廠員督率廠商課長及峒長鐘頭等編查各處煤窰責令僱主將傭工人等冊報地方官查核如有藏匿奸匪均分別查參究處

一外省入川民人同土著一例編查係依親佃種者附田主戶內倘有不安本分及來歷不明者報官究治一廣東客籍民人與土著一律編甲仍分析登註令州縣官慎選約正約副嚴其責成如有通盜為盜之人許約正等指名舉首由該管道府密實解省辦理並令該道府隨時稽察倘約正約副有知情故縱及妄擊

無辜嚇詐鄉愚情事卽加倍治罪

一廣東沿海村莊建立望樓勸諭殷實之戶捐建責令公正衿耆派撥壯丁輪流瞭望其公正衿耆令民間自行保舉稟官登記名册以備稽查如有擊獲匪徒解官審辦毋得私自擅殺倘以防奸為名構釁致釀事端將民人從重治罪衿耆一併懲處

一廣東沿海村莊自出莊丁守衛身家加能擊獲真盜審無挾嫌誣害情事量加獎賞於關稅鹽課贏餘項下動支報部核銷以上並戶部則例

一直隸省天津甯河臨榆樂亭四縣沿海口港責成天津鎮嚴飭駐劄之都司守備等實力巡防按月查報其各本地商捕船隻水手實係土著由地方官取具船戶連環保結方准充當有犯連船戶並究如有私藏貨物夾帶人口送縣究辦其各處漁船取具地鄰保結由縣發給腰牌以憑出入查驗如有更替隨時報明換給新牌每年編查一次其近海村莊無論戶口多寡俱飭各該州縣實力編查以絕奸匪戶部則例新增

一州縣城鄉十戶立一牌頭十牌立一甲頭十甲立一保長戶給印牌一張書寫姓名丁數出則註明所往入則稽其所來其客店亦令各立一簿每夜宿客姓名幾人行李牲口幾何作何生理往來何處逐一登記明白至於寺觀亦分給印牌上寫僧道姓名口數稽查出入如有虛文應事徒委捕官吏胥需索擾害者該上司查參治罪

編排保甲地方官不實力奉行稽查盜賊者降二級調用兼轄官同城降一級調用不同

城降一級留任統轄官降一級留任上司揭參者免議

一編排保甲保正甲長牌頭須選勤慎練達之人點充如豪橫之徒藉名武斷該管官嚴查究革從重治罪

果實力查訪盜賊據實報照捕役獲盜過半以上例按名給賞倘知有盜窩竊之人贖徇隱匿者杖八十如係竊盜分別賊情輕重懲警若牌頭於保正甲長處舉報而不行轉報者甲長照牌頭減一等保正減二等發落所謂減等者如牌頭杖八十甲長減一等杖七十保正減一等杖六十緣所管較寬故罪亦減等牌頭免坐其一切戶婚田土不得問及保甲惟人命重情取問地鄰保甲賭博爲盜賊泐數仍合同盜賊一併查報再地方有堡子村莊聚衆滿百人以上保甲不能編查選族中有品望者立爲族正若有匪類令其舉報徇情容隱照保甲一體治罪 保正甲長如有豪橫之徒藉名武斷者地方官徇縱不究降三級調用少壯乞丐嚴飭保甲並丐頭管束若縱容爲匪即將保甲等分別懲治乾隆四十二年部議

一牌頭所管內有爲盜之人雖不知情而失察坐以不應律笞四十甲長保正遞減科罪

一紳衿之家與齊民一體編次聽保正甲長稽查違者照脫戶律治罪至充保長甲長並輪值支更看柵等役紳衿免派齊民內老病寡婦之家子孫尙未成丁者亦俱免役 民婦已旌表者照例優免一丁侍養終身之後子孫仍舊當差

一凡來歷不明遊蕩奸僞之徒潛居京城令五城司坊大宛兩縣不時稽查客店庵院取具並無容留甘結以憑各衙門查閱實房居住者令房主詢問保人來歷並著兩鄰稽查倘有此等遊棍協同斥逐若徇情受賄容留者除本犯照律治罪遞回原籍外其容留之客店寺廟住持房主一併懲治該管官不行查出照例議處至編戶居民住有常業及讀書貿易諸色人等確有憑據者毋許驅逐倘有藉端勒索混擾良民者照嚇詐例治罪

一沿柳條邊之蒙古地方有內地民人種地居住者交與扎薩克等十家內設立一長逐戶嚴查不許間人存留取具十家長保結如民人內有贖匿內地逃人者該扎薩克將逃人與贖匿逃人之民人一併查拏解部治罪以上刑部條例

一各省驛站船隻於艙門之上刊刻字號不許私賃私借每十隻聯為一甲每甲立一甲長如零船五六隻仍令立一甲如一二隻則附編各甲之內俱挨號銜尾停泊不許離幫每船給與保甲牌一面將船丁頭舵水手人等實在姓名年貌籍貫逐一開寫懸掛船頭一甲之內互相稽察彼此保結如有容隱匪類及鬪賭等事查出十船並坐凡遇出差添僱水手擇土善良民將姓名年貌籍貫填給照票以備沿途盤詰回時仍對驗放行中樞政考

順治元年制編置戶口保甲之法通考

十六年令直省舉行鄉約之法宣講 上諭通考

康熙四十七年申行保甲之法先是順治元年即議力行保甲至是以有司奉行不力言者請加申飭部臣議奏弭盜良法無如保甲宜倣古法而用以變通一州一縣城關各若干戶四鄉村落各若干戶給印信紙牌一張書寫姓名丁男口數於上出則註明所往入則稽其所來面生可疑之人非盤詰的確不許容留十戶立一牌頭十牌立一甲頭十甲立一保長若村莊人少戶不及數即就其少數編之無事遞相稽查有事互相救應保長牌頭不得借端魚肉眾戶客店立簿稽查寺廟亦給紙牌月底令保長出具無事甘結報官備查違者罪之通考

黃州府知府于成龍慎選鄉約諭朝廷設立鄉約慎選年高有德給以冠帶待以禮貌每鄉置鄉約所亭  
屋朔望講解 上諭十六條所以勸人爲善去惡也至於查奸戢暴出入守望保甲之法更多倚賴焉無  
如黃屬風俗澆漓教化陵夷凡有司勾攝人犯差役不問原被告居址輒至鄉約之家管待酒飯稍不如  
意詬誓立至且於朔望點卯之日肆行凌虐倘人犯未獲卽帶鄉約回話是差役之嚇詐鄉約倍甚於原  
被二犯甚至詞訟小事必指鄉約爲佐證投到聽審與人犯何異且一事未結復與一事終朝候訊遲延  
時日無歸家之期離縣近者猶可早來暮去其遠在百里外者卽以點卯論兩日到縣一日點卯再兩日  
歸家是半月內在家不過十日加以協舉人犯清理區保手忙足亂無一甯晷甚至賣典婢女止應待鄉  
約一年當日給冠帶待禮貌之優典何在講解十六條查奸戢暴之良法何在一旦責以風化彼鄉約曾  
未家居何由而勸人爲善去惡何由而諭人出入守望名實不符上下相蒙頽靡至此尙可言乎因之年  
高有德鄙爲奴隸殷實家視爲異途或情或賄百計營脫而寡廉喪恥之窮棍兜攬充役串通衙捕魚  
肉烟民以編甲漏造爲生意以投呈證佐爲活計惟恐地方之不生事也居民之不興訟也差役之不來  
照顧官府之不來呼喚也事勢至此尙可言乎故保充鄉約巡檢有常規差役有常規書辦有常規此等  
銀兩非出之煙戶而何鄉約之苦至此極矣於是有半月之鄉約有朋應幫貼之鄉約真如問徒擬軍求  
脫離而不可得更有良心喪盡之輩報一名賣一名臨時必用陪點上下交接又有頂手積弊錮習不可  
教藥欲端風化靖地方不同癡人說夢乎茲奉憲嚴檄力行保甲本府仰體德意痛革前弊爲此示諭地  
方人等知悉自後於適中之地立鄉約所亭屋選年高有德者擇吉迎送給以衣頂行二跪一揖禮在鄉

約所任事朔望諭鄉民聽講十六條此外一不許稟仰協拘人犯二不許差役到家飯食三不許原被告指爲證佐四不許朔望點卯五不許請立印簿六不許差替編查煙甲七不許買辦軍需八不許人命盜案牽連姓名九不許投遞報呈十不許紳衿把持凡人命盜案勾攝人犯惟保長地方是問惟爾鄉約無事則勸化愚民有事則密稟自封用圖記牢釘星夜飛遞一年更換地方平靖訟獄不興者年終給以稱職字匾地方多盜訟獄繁興者年終書不稱職用木刻條釘於門首或斂錢擾害不公不法者訪實即時懲革於縣前懸大木牌書貪惡鄉約姓名於上以示勸懲於以端風化靖地方庶幾近之矣凡我屬邑勉力行之以宣揚上憲德意未必於地方風俗無裨益也敕令書輯要

雍正四年嚴飭力行保甲定保正甲長牌頭賞罰及選立族正之例自康熙四十七年整飭保甲之後奉行既久往往有名無實是歲奉 諭旨再盜之法莫良於保甲乃地方官憚其煩難視爲故套奉行不實稽查不嚴又有藉稱村落畸零難編排甲至各邊省更藉稱土苗雜處不便比照內地者此甚不然村莊雖小卽數家亦可編爲一甲熟苗熟種卽可編入齊民苟有實心自有實效嗣後督撫及州縣以上各官不實力奉行者作何嚴加處分保正甲長及同甲之人能據實舉首者作何獎賞隱匿者作何分別治罪九卿詳議具奏尋詳已行之法照例飭行地方各官不實力奉行處以降調如村落畸零戶不及數者卽就其少數編之至熟苗熟種已經向化令地方官一體編排保甲如保正甲長牌頭果能實力查訪據實舉首者照捕獲盜過半之例酌量獎賞如瞻徇隱匿者卽酌量懲警如有堡子村莊聚族滿百人以上保甲不能徧查者揀選族中人品剛力素爲閭族敬憚之人立爲族正如有匪類報官究治徇情隱匿者與保甲一體治罪通考

九年令甘肅回民通編保甲選舉教人以資稽查巡撫許容奏言甘肅回民居住之處應令地方官編爲保甲除設立牌頭甲長保正外選其中殷實老成者充爲掌教如人戶多者再選一人爲副不時稽查所管回民一年之內並無匪盜等事者酌給花紅以示鼓勵下部議從之通考

十一年覆准福建臺屬村莊居人流寓者多除自立產業兼有父母妻子者自有土家甲牌可稽其並無家室產業如佃戶傭工貿易之人取具業主房主鄰佑保結附於甲牌之末彙報督撫稽查如業主房主鄰佑保結匪人事發連坐先首者免罪會典事例

乾隆元年覆准江西設立保甲城鄉集人煙稠密之所按戶編查至窮鄉僻處零星居住之民一村一莊止數家者難於編設令州縣官詳酌形勢妥協辦理勿任吏胥夤緣爲姦擾累戶民其餘各省均聽該督撫自行酌量辦理會典事例

十一年覆准行令直省督撫轉飭所屬將現行保甲門牌冊籍實力稽查其有倡爲邪說斂錢作會以及往來無定行蹤可疑之輩鄉保不得徇隱地方官立時查究會典事例

十二年題准浙江玉環一山管轄島嶼飭令該管文武官亦會同清釐界址分立都圖排編保甲在嶼民人分別是農是漁果是耕種農民准其居住如係漁戶不許混雜占住會典事例

二十二年諭州縣編查保甲本比閭什伍遺法地方官果能實力奉行不時留心稽察民間戶口生計人類良莠平時舉可周知惰游匪類自無所容外來姦究更無從託跡於治理最爲切要乃日久生玩有司每視爲迂闊常談率以具文從事各鄉保長甲長類以市井無賴之徒充之平時並不實心查察雖督撫課最有力行保



甲之條不過故套相沿毫無裨益嗣後務宜慎重遵行不得以前玩視其如何設法編查及考覈實成之處著  
 各該督撫各就地方情形詳細具奏欽此遵 旨議定順天府五城所屬村莊暨直省各州縣城市鄉村每戶  
 由該地方官歲給門牌書家長姓名生業附註丁男名數出註所往入籍所來有不遵照編掛者治罪十戶為  
 牌立牌長十牌為甲立甲長十甲為保立保長限年更代以均勞逸士民公舉誠實識字及有身家者報官點  
 充地方官不得派辦別差以專責成凡甲內有盜竊邪教賭博窩逃姦拐私鑄私銷私鹽踴劫販賣硝磺併私  
 立名色斂錢聚會等事及面生可疑形跡詭秘之徒責令專司查報戶口遷移登記並責隨時報明於門牌內  
 改增換給牌甲保各長果能稽查詳慎首報得實酌量獎賞應查不查應報不報按律分別治罪鄰省鄰縣  
 差役執持印票到境拘拏盜賊及逃犯保甲長密同捕獲免其失察之罪若差役誣執平民許保甲長赴本管  
 官剖白候奪備係玩庇按律究治地方官奉行保甲若虛文塞責及濫任匪人藉端滋擾者照叅議處○又議  
 准紳衿之家與齊民一體編列聽保甲長稽查違者照脫戶律治罪地方官徇庇照本例議處凡僉充保甲長  
 併輪值支更看柵等役紳衿免充齊民內老疾寡婦之子孫未成丁者亦免充兵丁書役與民戶同編本身免  
 充保甲長○又議准聚族而居丁口眾多者准擇族中有品望者一人立為族正該族負差責令查舉○又議  
 准旗民雜處村莊一體編次將期分戶口併所隸領催屯目註明牌冊期民有犯許互相舉首地方官會同理  
 事同知辦理至各省駐防營內居住之商民以及官員雇用之人役均令另編牌冊由同知查覈○又議准蒙  
 古地方種地民人設立牌頭總甲及十家長等凡係竊匪逃人責令查報通同徇隱一併治罪○又議准客民  
 在地方開張貿易置有產業者與土著一例隨編至往來無定商賈責令客長查察凡客商投宿旅店船埠寺